



Austrheim kommune
Kommunehuset
5943 AUSTRHEIM

Saksbehandlar, innvalstelefon

Anniken Friis, 5557 2313

Innspel til planprogram Temaplan for klima og energi, Austrheim

Vi viser til oppstartsmelding for temaplanen plan for klima og energi. Arbeid med ein klimaplan er i tråd med vedteken Planstrategi.

Planen skal i følgje meldinga ha ambisiøse mål og delmål for følgjande innsatsområde:

Utsleppsreduksjon

Meir effektiv energibruk og miljøvennleg energiomlegging

Klimatilpassing.

Planen skal omfatte kommunen som geografisk område og som verksemd, og vise kommune sine roller og verkemiddel. Energibruk i kommunale bygg og tap, innkjøp, og tap av naturmangfald skal vere blant aktuelle tema i planen. Medverknad, spesielt frå barn og unge er vektlagt. Formannskapet skal vere styringsgruppe for arbeidet med planen.

Innspel

Vi viser til Miljødirektoratet sine nettsider, som har relevant og nyttig rettleiing knytt til sentrale tema i planen, både planlegging for utsleppsreduksjon og klimatilpassing. Statsforvaltaren har elles følgjande innspel til planprogrammet:

Klimaleiing, mål, handlingsprogram og budsjett

Kommunen må leggje FN sine berekraftsmål til grunn for planen. Statlege planretningslinjer for klima- energi og klimatilpassing er det mest sentrale dokumentet når det gjeld nasjonale føringar for klimaarbeidet.

Det er viktig at arbeidet med planen vert tverrfagleg, og at ein sikrar medverknad frå alle aktuelle etatar og aktørar i kommunen. Ansvar for arbeidet med planen bør difor vere forankra sentralt både i politisk og administrativ leiing. Vidare rår vi kommunen til å gi planen status som kommunedelplan, for å gi innhaldet i planen tilstrekkeleg fagleg og politisk tyngde til oppfølging og gjennomføring.



Det er bra at kommunen vil utarbeide klimamål som del av planen. Vi rår kommunen til å vurdere ulike måltype ut frå kor kommunen står i klimaarbeidet innanfor dei ulike sektorane, jf.

Miljødirektoratet sin omtale av reduksjonsmål, prosessmål, strategiske mål eller aktivitetsmål. Det er samstundes viktig å vurder korleis kommunen skal evaluere måloppnåinga, gjennom bruk av aktuelle indikatorar.

Det går fram av dei statlege planretningslinene at klimaplanen bør ha eit handlingsprogram som viser ansvarsfordeling for oppfølging. Handlingsprogrammet bør koplast opp mot kommunale budsjetttrutar og økonomistyring. Vi rår kommunen bør vurdere å utarbeide eige klimabudsjett som del av arbeidet.

Klima og arealplanlegging

Arealplanlegginga er sentral i arbeidet med å nå nasjonale klimamål, der ivaretaking av viktige naturområde og artar er avgjerande for å sikre økosystemtenester. Det er viktig å ikkje omdisponere karbonrike areal, både ut frå utsleppsreduksjon og klimatilpassing. Vi viser til krav i dei statlege planretningslinene om å vurdere bruk av naturbaserte løysingar i arbeidet med klimatilpassing. Kommunen må vektleggje samanhengen mellom utbyggingsmønster og klima.

Vi vil elles viser til at utslepp frå landbruk bør få plass i arbeidet med planen. Det er og viktig å sjå samanhengen mellom klimaarbeidet og folkehelse, og planen vil difor ha relevans både for samfunnstryggleik og gode oppvekst- og levekår for befolkninga.

Med helsing

Eline Orheim
seksjonssjef

Anniken Friis
seniorrådgjevar

Dokumentet er elektronisk godkjent

Kopi til:

Vestland fylkeskommune Postboks 7900 5020 BERGEN